



Vom Chopf bis zu de Sogge,
si mir dr Mogge.

Planetewäg und Chinderbuech,
glaubet eus, es lohnt sich ä Bsuech.

Und wenn de nit chasch läse, söll di das nit störe
dr Teggscht chasch o per QR-Code uf em Natel ghöre!

Hesch s'Muul verdätscht,
oder alli Rippli quätscht,
oder eventuell sogar dr Zingge broche
und glichzeitig dr Hals oder angeri Chnoche
die si di z'Laufe grad witer schigge -
du muesch di vornedure lo zämmefligge!
Will de mit dene nit chasch verhandle,
losch di lieber bim Tierarzt Meier behandle!

Bi eus isch au alles e chli verschobe,
do ghörsch s'Klimagretel tobe,
sie meint fräch und unverhole,
mä heig ihri Chindheit gstohle,
Schmollend hoggt sie uf ihrem Stuehl
mir meine gang du lieber in d`Schuel

Planete mit Krater und Löcher, tie mir feststelle,
gseh us wie Laufe mit all denä Baustelle,
wo du luegsch si dr Biperi und d`Rofra am loche,
und gsehsch Manne mit Maschine am bloche.
muesch regelmässig und überall anere Ample warte,
do kippt dr Bagger vor dr Rofra lieber in e Garte.

Gohsch am Morge go schaffe,
tuet di sone Hobbit a gaffe!
Bim Stadthuus muesch dr d'Auge ribe
dört tuet sich dr Mr. Spock umetriebe.
Uf em Wärkhof, so hei mir vernoh,
hei si dr Captain Amerika lo stoh.
Im Schlachthus muesch o zwöi mol luege
Do isch dr Thor mit sim Hammer am rueche
So goht's zue bi «725 Jahr Laufe»,
wenn si Billje für d' Unicon i dr Yshalle verchaufe!



Wottsch i zwöi Johr wüsse, ob chrangg bisch,
legt dir denn eine d'Fakte uf e Tisch.
Im EGK-Neubau, im Nau, dört am Egge,
tuet dir gli dr Mike Shiva d'Karte legge.
Für nume 30 Schtutz i dr Minute,
tuet är dir sini Diagnose verschutte!
So isch dä Neubau gli finanziert!
Aber d'Prämie wärde sicher nit halbiert!

S'Go-in, es loht eus kei Rueh,
macht s'Vreni irgend emol zue!
Dr Gianni Prosecco wott o nüm do wirte
är goht lieber uf d'Alp zu de Hirte!
Im Schlachthus, abe goht dr Laade -
sueche si immer no dr roti Faade!
Au im Hirsche chunnsch nit drus,
das isch im Momänt ä Curry-Huus!
Und sogar s'Central, bi eus z'Laufe,
seit mä, hei si welle verchaufe!
Eso chas eim scho dr Usgang vermiise
mit dä Laufner Beize und all ihrne Kriise.

Föif Johr Garantu,
isch gueti Ware, weisch du!
Isch d'Maschine kaputt und hesch no Quittig
denn git's ä Neui bis am nöchschte Fritig.
Es isch alles do bi eus im Soritmänt
sogar Rollatore, zum Brämse mit Händ.
Mir si nit uf em Bazar, wo si alles verchaufe,
nei, mir si i dr neue Landi z'Laufe!



**NASEGRÜBLERGUGGE
LAUFEN 1984**